

мены, и со всеми священными соборы Рускія митрополія, соборѣ, вси тебя Государя, благовѣрнаго Царя и Великого Князя, благословляемъ, и челомъ бьемъ, и молимъ, со всеми священными соборы и со всеми православными христіянны, всемилостиваго Бога всехъ Творца и Зиждителя и его Пречистую Богоматерь Дѣву Богородицу, всему міру заступницу, о благостояніи святыхъ Божіихъ церквей ¹ и о многолѣтнѣмъ ти тѣлесномъ здравіи и о душевномъ спасеніи великаго твоего благородства, и о твоей благородной и христіолюбивой Царицы Великой Княгини Анастасіи, также и о твоей братіи, Князѣ Георгіи Васильевичѣ и княгинѣ его, и Князѣ Владимирѣ Одреевичѣ, чтобы, Государь, ² Богъ умножилъ лѣта живота вашего, и даровалъ бы вамъ сыны наследники царствія вашего. Также молимъ Бога и о всехъ вашихъ князѣхъ, и боярехъ, и воеводахъ, и дѣтехъ боярскихъ, и о всемъ вашемъ христіолюбивомъ воинствѣ людехъ ³ православныхъ, иже поборающихъ по благочестіи, и о нынѣшнемъ ⁴ подвижѣ вашемъ, еже съ Божіею помощію и заступленіемъ, мужественѣ тебѣ, Царю, царски и добрѣ стояти со всемъ христіолюбивымъ воинствомъ противъ супостатъ твоихъ, безбожныхъ Казанскихъ Татаръ, твоихъ измѣнниковъ и отступниковъ, иже всегда неповиннѣ проливающихъ кровь христіанскую и оскверняющихъ и разоряющихъ святыя церкви: и за то паче тебѣ благочестивому Царю Ивану и съ Княземъ Владимиромъ Андреевичемъ, и со всемъ своимъ христіолюбивымъ воинствомъ, добрѣ и храбрски и мужески подобаетъ подвизатися, съ Божіею помощію, за святыя Божія церкви и за всехъ православныхъ христіанъ, неповиннѣ въ плѣнъ веденныхъ, и

разхищенныхъ, и всяческими бѣдами отъ нихъ ⁵ томимыхъ, и многообразными страстьми оскверненныхъ; и сихъ ради всехъ жалостій напаче же подвизатися вамъ за свою святую и чистую нашу и пречестнѣйшую вѣру христіанскую Греческого закона, яже ⁶ во всей поднебесной, якоже солнце, сіяше православіе во области и державѣ вашего Царьского отечества и дѣдства и прадѣдства великаго твоего Царьского благородія и господства, на нюже ⁶ всегда свирѣпѣетъ гордый онъ змій, вселукавый врагъ дьяволъ, и воздвизаетъ на ню лютую брань погаными цари, твоими недруги, Крымскимъ царемъ и ихъ пособники поганыхъ языкъ, Крымскихъ и Казанскихъ Татаръ, ихъже послѣднія зрѣть во дно адово, идѣже имутъ наследовати огнь негасимый и тму кромѣшную. Мы же смиренніи богомолцы твои, о благочестивый Царю Іоанне, всегда благодаримъ, и молимъ Господа Бога и его Матерь Пречистую Богородицу, всего міра заступницу, и просимъ неизреченныхъ щедротъ великія его милости, еже о пособленіи и укрѣпленіи твоего на нихъ Царьскаго благороднаго ополченія и всего вашего христіолюбиваго воинства, православныхъ людей, яко да послетъ ти Господь свыше, на помощь вашу, скорого своего Архистратига Михаила, предстателя и воеводу святыхъ небесныхъ Силъ, бывшаго древлѣ помощника и заступника Аврааму на Ходолмогомора царя Содомскаго ⁷: имяше бо съ собою вой триста тысящъ, Авраамъ же съ тремя сты и осьмьюнадесять своихъ домочадецъ, Божіею сполою и помощію великаго Архангела Михаила, побѣди ихъ. А Іисусу Наввину бысть помощникъ той же Архистратигъ Михаилъ, егда обступаше Ерихонъ градъ, въ немъже баше

¹ Въ Царств. кн. «церквахъ.»

² Щерб. «Господь.»

³ Въ Царств. кн. и Щерб. «людей.»

⁴ Тамъ же «и о нынѣ» и т. д.

⁵ Щерб. «иже».

⁶ Тамъ же «на пелю».

⁷ По сказанію Библейскому: «Еламскаго».

№ 292. семь царей Хананейскихъ, и повелѣніемъ Божиимъ, отъ Архангела Михаила стѣны градныя падоша сами до основанія, Иисусъ же Наввинъ царей и всѣхъ людей изсѣче. Также пособникъ бысть и Гедеону на Мадіамы, ихъ же бѣ тысяща тысячъ, Гедеонъ же бѣ съ тремя сты своихъ вой¹ и ихъ побѣди; имѣяше бо съ собою, въ нощи, фонари со свѣщами, и Мадіамы сами межъ себя изсѣкошася, смятеніемъ Архангеловымъ. Также и при благочестивомъ царѣ Іезекѣи обстояше Іеросалимъ градъ Сенахримъ царь Ассирійскій съ вой своимъ, и укоряше Бога Израилева: и помолися Іезекѣй къ Богу, и посла Господь Богъ Архангела Михаила, и во едину нощь уби отъ полка Ассирійска 185 тысячъ вой Ассирійскихъ. А вашему по Божѣ Царьскому благородію, и ополченію, и благочестію, той же святой Архистратигъ Михаилъ истинный заступникъ и поборникъ на поганныхъ языкъ такъ же и нынѣ, о благочестивый Царю! И мы богомолцы ваши, съ Божіею помощію, надѣяніе имѣемъ на всемогущаго Господа Бога и Спаса нашего Іисуса Христа, и на его Богоматерь Пречистую Богородицу, всему міру заступницу, и на великаго Архистратига Михаила, и на всѣхъ Святыхъ молитвы надѣемся, и молимъ соборнѣ, со слезами, еже помощи имъ тебѣ благочестивому Царю, въ нынѣшнемъ по Божѣ нашемъ ополченіи, и всему твоему христолюбивому воинству, на супостатъ вашихъ, поганныхъ языкъ Измаилтеска роду, и покорити бы вскорѣ вся видимыя и невидимыя враги ваша, и чтобы Господь Богъ совершилъ Царское твое желаніе и хотѣніе сердца твоего, помощію и посильніемъ великаго Архистратига Михаила и прочихъ Силъ безплотныхъ, и молитвами святаго и великаго Іоанна Предтечи, и святыхъ верховныхъ Апостолъ Петра и Пав-

ла, и возлюбленнаго Апостола Іоанна Богослова, и 12-ти и седмицати святыхъ Апостолъ молитвами, и молитвами великаго Чюдотворца Николы, и великихъ трехъ Святителей и Чюдотворцовъ молитвами, Василія Великаго, Григорія Богослова, Іоанна Златоустаго, Петра, и Алексѣя, и Іоны, и Леонтія Чюдотворцовъ, и посильніемъ святыхъ Христовыхъ Страстотерпецъ и пособниковъ нашихъ, Георгія, и Дмитрія, и Андрея, и Θεодора Стратилатовъ, и благочестивыхъ по Божѣ сродниковъ вашихъ, великаго и равна Апостоломъ Великаго Князя Владимира, и святыхъ Страстотерпецъ Бориса и Глѣба, и молитвами преподобныхъ и богоносныхъ отецъ нашихъ Чюдотворцовъ Сергія, и Варлама, и Кирила, и Пафнотія, и святаго Великаго Князя Александра Невскаго, и всѣхъ благочестивыхъ сродникъ вашихъ, и пречихъ всѣхъ Святыхъ молитвами, яко да оградить вы Господь Богъ и укрѣпитъ невидимою силою честнаго и животворящаго Креста, и пошлетъ свыше милость свою великую на васъ, и спасени будете. Но токмо нынѣ молимъ тебя, благочестиваго Царя Ивана, и брата твоего Князя Владимира Одревича, и всѣхъ твоихъ велможъ, князей, и бояръ, и воеводъ, и все твое христолюбивое воинство, да пребудете въ чистотѣ, и въ смиреніи и мудрости,² и въ цѣломудріи и покаяніи, и въ прочихъ добродѣтеляхъ, но и паче же молимъ и благословляемъ, да пребудутъ у тебя, благочестиваго Царя, всѣ твои велможы и все твое христолюбивое воинство, въ любви, и въ послушаніи, и въ страхѣ, и въ мирѣ, и въ соединеніи, и въ союзѣ³ на враги, о всемъ по воли Божіей. Аще Царево сердце въ руцѣ Божіи, то всемъ подобаетъ по волѣ Божіи и по Царьскому велѣнію ходити, и повиноватися съ страхомъ и трепетомъ, якоже рече божествен-

¹ Щерб. сіе слово пропущ.

² Тамъ же «въ смиренной мудрости».

³ Въ Царств. кн. и Щерб. «въ страхѣ».

ный Апостоль Петръ: «Бога бойтеса, и Царя чтите»; и паки той же Апостоль рече: «не туне Царь мечь носитъ, но въ мечь убо злодѣемъ, въ похвалу же добродѣемъ». И по томъ молимъ и благословляемъ ваше боголюбство, отнынѣ и впередъ да сохранитеса вси отъ гордости, и пьянства, и паденія душевнаго и тѣлеснаго. Да никтоже мнитъ малъ быти той грѣхъ, гордость и паденіе и пьянство, но великъ суще: по божественному Апостолу, «всякъ пияница, и блудникъ, и гордый, не имать части въ царствіи небеснѣмъ»; и паки той же Апостоль рече: «пияницы, и блудницы, и лихоимцы, царствія Божія не наслѣдять»; и паки той же божественный Апостоль рече: ¹ «не прелщайтеса, ни блудницы, ни прелюбодѣи, ни мужеложники, ни скотоложники, ни рукоблудники, ни пияницы, ни лихоимцы, царствія Божія не наслѣдять». Мнози бо праведники, и силніи и храбріи и святіи цари, отъ гордости и пьянства падоша. Якоже праведный Ной опився обнажися, и посмѣянъ бысть; такоже и праведный Лотъ упився, паде лютымъ паденіемъ со двѣма дочерьма. Кто бѣ храбрѣ Самсона сильного? во едино время ослею челою 1000 иноплеменниковъ уби; и възжадался велми хотѣ воды пити, и не обрѣте; толма бѣ святъ, помолися къ Богу, и отъ тоя же сухія кости, ослія челюсти, источи воду и утоли жажу, и потомъ многи побѣды сотвори; возгордѣвся же, и послѣди же и упився паде, и ослѣпленъ бысть, и бысть иноплемennemъ въ посмѣхъ и игралище. И кто бѣ Давида Царя высочае въ добродѣтеляхъ? но мало воздрема забывся, и паде отъ ярости, и много о томъ пострада, и до послѣдняго своего издыханія, на всякъ день и ночь, постелю свою слезами моча. Кто жѣ Соломона премудраго блаженіе? но въ старости и при кончинѣ

жизни своего, возгордѣвся паде и погибѣ. № 160. Кто жѣ Израіля боголюбѣйши? но паденія ради и богоубійца явился, якоже пишеть: «сѣдоша людіе ясти и пити, и вѣсташа играти»; и падоша въ единъ день двѣ тмы и три тысящи, овѣхъ земля пожре, и иныхъ огнь поала. И мнози въ божественномъ Писаніи, въ Новомъ и въ Ветхомъ, отъ гордости и пьянства и паденія погибѣша; и аще праведныхъ и святыхъ и храбрыхъ и сильныхъ, нетокмо простыхъ, но и царей и пророкъ прехвалныхъ, гордость и вино и паденіе погуби, колма же паче намъ, слабымъ суще и во грѣсѣхъ пребывающимъ, отъ таковыхъ удалитися и бѣгати, аки отъ змія. А сохранивши смиренную мудрость и чистоту, нетокмо дѣвство, но и по закону брака, многи побѣды сотвориша, и прославлены и спасены быша: якоже благочестивый первый Царь Константинъ, и благочестивый Царь Θεодосій Великій, и Θεодосій Юный, и прочіи Гречестіи Цари православніи², по закону брака сохранивши чистоту, многи побѣды сотвориша и прославлены быша отъ Бога. Такоже и въ нашемъ Російскомъ царствіи, благочестивый и равноапостольный святой прадѣдъ твой, Князь Великій Владимиръ Кіевскій и всея Русіи, и сынове его, и внуцы, и правнуцы, и всѣ Російстии Цари, даже и до твоего боговѣщаннаго царствія, сохранивши чистоту по закону брака, многи побѣды надъ погаными сотвориша и прославлены отъ Бога быша, якоже множае и самъ, Царю, всѣи храбрость прародителей твоихъ, Богомъ вѣщаннаго Царя Владимира Менаха, и храбраго Великаго Князя Александра Невского, и прочихъ сродникъ твоихъ, каковы побѣды надъ погаными сотвориша и прославлены отъ Бога быша. Тебѣ же великому Царю³ Ивану, и брату твоему Князю Владимиру Одревичю, и всему ваше-

¹ Въ Царств. кн. и Щерб. «собравъ отрече».

² Тамъ же «православно».

³ Щерб. «Князю».

№ 160. му христілюбивому воинству, нынѣ время благопріятно, еже съ Божією помощію о истинѣ¹ подвижаться, и веліе попеченіе имѣти. Аще и скорбно прилучится вамъ претерпѣти, Христа ради, не отмищѣтесь²: «сладокъ бо, рече, рай и велико воздаяніе»; по божественному Апостолу; занеже кто жъ не подвизався вѣнецъ пріять, или кто спій побѣды сотвори, или кто почивая похвалу пріять? ибо болѣзни ражаютъ славу и труды исхodataйствуютъ вѣнцы, по реченному Христову слову во святомъ Евангеліи: «претерпѣвый же до конца той спасенъ будетъ». Ты же о Христъ, о Царю, подвизайся, и съ прочими твоими христілюбивыми воинству, въ чистотѣ и въ покаяніи и въ прочихъ добродѣтеляхъ, якоже писаніе глаголетъ. Не только свершается служба отъ раба, елико егда самъ пріидетъ господинъ, ниже царь посылая война на брань³, но елико егда самъ пріидетъ. Нынѣ же льпо тебѣ, Царю, и сущимъ съ тобою, по твоей храбрости и премудростной хитрости, самому подвижаться съ Божією помощію, и сопротивники еице⁴ побѣдивъ низложити: идѣже бо хочетъ Богъ, побѣждается естества чинъ; а идѣже царево пришествіе съ Божією помощію, ту и чинъ преходитъ. Но, елико великъ еси, только смирай себе; поминай рекшаго: «при славу буди смиренъ, при печали же мудръ», но и паче же поминай, Царю, Спасово Евангельское слово, яко «всякъ возносяйся смирится, а смиряйся вознесется». И того ради смиренія, покорить Господь Богъ подъ нозѣ твои вся враги твоя, и пошлетъ ти Господь способники, Ангелы своя и вси святыя Мученики, и смятутъ супостаты твоихъ, и удолѣши посреде врагъ твоихъ, и сбудется на тебѣ, благочестивомъ Царѣ, Божіе слово Пророкомъ реченное: «Азъ воз-

двигохъ тя царя правды, и призвахъ тя царя правдою, и пріяхъ тя за руку твою, и укрѣпихъ тя, да послушаютъ тебе языцы; и крѣпости всяки царемъ разрушу, и двери отворю, и грады не затворятся тебѣ: Азъ предъ тобою пойду, и горы поровняю, и двери мѣдныя сокрушу, и затворы жедезные сломаю». Се твердое и честное и крѣпкое царство да дастъ Господь въ руки твои, и сыновомъ сыновъ твоихъ, въ родъ и родъ, и въ вѣки, Богомъ утвержденный Царю! А еже, благочестивый Царю, въ ополченіи по Бозѣ вашего пречестнаго подвига и благочестія и побѣды на супостаты вашихъ, аще случится кому отъ православныхъ христіанъ, на той брани, до крови пострада-ти за святыя церкви и за святую вѣру христіанскую и за множество народа людей православныхъ, и потомъ живымъ быти: и тѣ, по истинѣ, пролітіемъ своея крови, очистятъ прежніе свои грѣхи, имиже по святомъ крещеніи согрѣшили и осквернены были, о всемъ о томъ отъ Господа Бога прощены будутъ; и нетокмо прощеніе грѣховъ отъ Бога получать, за пролітіе своея крови, но и сугубы мзды воспріимутъ, въ нынѣшнемъ вѣцѣ приложеніе лѣтъ и здравіе животу, но и въ будущемъ вѣцѣ сугубы мзды воспріимутъ за пролітіе своея крови. А еже случится кому нынѣ отъ православныхъ христіанъ, на томъ вашемъ Царьскомъ ополченіи, нетокмо кровь свою проліати, но и до смерти пострадати за святыя церкви, и за православную вѣру христіанскую, и за множество народа людей православныхъ, ихъже Христосъ искупи отъ мучительства честною своею кровію, и его Христово слово исполнити: «ничтоже тоя любви болши, еже положить душу свою за брата своего»: тѣи⁵, по реченному Господню словеси, второе мучениче-

¹ Щерб. «въ истинѣ».

² Там. «не отмищѣтся».

³ Въ Царств. кн. и Щерб. «бранно».

⁴ Щерб. «себѣ».

⁵ Въ Царств. кн. и Щерб. въ един. числѣ.

ское крещеніе воспріимуть, и пролтіемъ своея крови очистятся, и омыють отъ душа скверну своихъ согрѣшеній, и добръ очистятъ свою душу отъ грѣхъ, и воспріимуть отъ Господа Бога, въ тѣлѣныхъ мѣсто, нетѣлѣнная и небесная, и въ труда мѣсто, вхожденіе вышняго града Іерусалима и наслѣдіе; а за оружіе и за благостраданіе тѣлесное, вѣчныхъ благъ воспріятіе, и за вечное утѣченіе и копейное прободеніе, съ Мученики и со Ангелы радость неизреченную, по божественному Апостолу реченное воспріимуть: «ихъже око не видѣ, и ухо не слыша, и на сердце челоуку не възды, яже уготова Богъ любящимъ его»; въ день онъ, отъ Издвоздателя, праведнаго Судіи, Господа Бога, терпѣнія вѣнцы воспріимуть и покой вѣчныя жизни въ безконечныя вѣки, аминь. Нашего же смиренія совершенное благословеніе, и молитва соборная, богоспасаемымъ ти полкомъ вашимъ, еже за вѣру христіанскую страдати всѣмъ вкупѣ православнымъ, и по благодати Святаго Духа, прощеніе и благословеніе, въ сій вѣкъ и въ будущій, а отъ благаго и милосердаго челоуколюбца Господа Бога, еже неосуженнымъ предстати имъ на страшнѣмъ его судѣ, и со всѣми Святыми и Праведными благую часть получить, и небеснаго царствія достойни да будутъ, егоже молимъ получить и всѣмъ намъ. И паки благодаримъ же и хвалимъ, о благочестивый Царю, о всемъ великое твое Царское остроуміе, и храбрость, и Богомъ данную ти премудрость, о святыхъ церквахъ, и за православную вѣру христіанскую, великую обиду ея¹, и за отечество мужественнѣ стояти, и царьски и храбрѣски по Бозѣ подвизатися. Да потщися о всемъ², Царю, сохрани ти святыя сія Еуангельскія четыре заповѣди: храбрость, мудрость, правду,

цѣломудріе, и потомъ судъ праведной и мило- № 160.
 лость къ согрѣшающимъ, по реченному Христомъ во святомъ Еуангеліи: «блаженн милостивѣи, яко ти помилувани будутъ»; потомъ рече: «ищите преже царствія небеснаго и правды его, потомъ вся приложатся вамъ»; писано бо есть: «сѣдина мудрость челоукомъ, и возрастъ старости его житіе нескверно», и паки: «дай премудру вино, и премудръ будетъ; скажи праведному, приложитъ приимати, и еже разумѣти законъ, помысла есть блага.» Сими бо образомъ много поживши время, Царю, и приложатся ти лѣта животу. Съ сими же всѣми, да будетъ свыше Божія благодать, и миръ, и милость, вкупѣ же и спасеніе отъ Господа и Спаса нашего Іисуса Христа, и Пречистыя его Матере молитва и покровъ, и всѣхъ Святыхъ молитвы и благословеніе, да и нашего смиренія великое челобітіе и благословеніе и молитвы соборныя, да и всемірныя молитвы всегда да будутъ на тебѣ на нашемъ великомъ и благородномъ Господарѣ, православномъ и Боговѣнчанномъ Царѣ и Великомъ Князѣ Иванѣ Васильевичѣ, всеа Русіи Самодержцѣ, и на твоёмъ христолюбивомъ воинствѣ, и умножитъ Господь лѣта живота вашего, и возвыситъ Господь десницу твою Царьскую надо всѣми твоими недруги и враги, и устроитъ Господь Богъ царство твое мирно и вѣчно, въ родъ и родъ, и во многіе роды и на вѣки. Аминь. Писано на Москвѣ, въ лѣто 7060 Іюля въ 15 день³.

II. Преосвященному отцу нашему Макарію, Митрополиту всеа Русіи, Царь и Великій Князь Иванъ Васильевичъ всеа Русіи челоукомъ бьетъ. Писалъ еси, господине, къ намъ въ своей грамотѣ, поучая насъ престати отъ грѣхъ, и утвержая по благочестію поборати: и мы, госпо-

¹ Щерб. три сія слова пропущ.

² Въ Царств. кн. и Щерб. «всѣмъ».

³ Въ Царств. кн. «7065 Іюля въ 13 день»; Щерб. «7065 Іюля въ 15».